

Instituziun responsabla per la scoula:	Scoula Val Müstair, 7537 Müstair
Chasas da scoula partecipadas:	Müstair, Sta. Maria e Valchava
Persuna da contact:	<i>Aita Stupan e Flurina Oswald, mainascoulas</i> <i>Via Funtauna 44, 7537 Müstair</i> <i>E-mail: ms@scvm.ch</i>
Valabel a partir dal(s):	12.08.2024

Cuntgnü

Art.1 Princip	2
Art. 2 Cumpetenz da congedi	2
Art. 3 Dis da joker	2
Art. 4 Congedi fin 15 dis	2
Art. 5 OTRAS absenzas	3
Art. 6 Dispensas	3
Art. 7 Giarunadis d'insai	3
Art. 8 Tour davo la materia manchada	3
Art. 9 Maladöver	3
Art. 10 Disposiziuns finalas	4

250-251_Reglamaint absenzas e da jokers	data: 08.08.2024 substituischa documaint dals: 16.06.2023	versiun: 1.1
dat liber da: cds	dat liber ils: 18.11.2014	valabel dals: 12.08.2024

Art.1 Princip

La scoula ha da gnir frequentada regularmaing e punctualmaing. Ella nu po gnir manchantada sainza motivaziun urgianta.

Art. 2 Cumpetenza da congedi

Tenor l'artichel 28 da la ledscha chantunala da scoula po il portader da scoula (cussagl da scoula) decider davart congedis fin ad üna fin ad ün total da 15 dis per on da scoula. In quists 15 dis sun eir cuntgnüts trais mezs dis da joker chi pon gnir determinats dals genituors. Las cumpetenzas in dumondas da congedi sun definidas tenor la tabella seguinta:

cumpetenza		total dis per on da scoula	cura inoltrar las dumondas
genituors	fin 3 mezs dis (joker)	1 ½ dis	3 dis da lavur avant (formular da joker)
magister da classa	da 1 ½ fin 3 ½ dis	3 ½ dis	1 eivna avant (dumonda in scrit)
manader da scoula	da 3 ½ fin 8 ½ dis	8 ½ dis	2 eivnas avant (dumonda in scrit)
cussagl da scoula	da 8 ½ fin 15 dis	15 dis	2 eivnas avant (dumonda in scrit)
uffizi chantunal da scoula	sur 15 dis		dumonda scritta a l'inspectorat da scoula 20 dis avant

Art. 3 Dis da joker

Ils dis da joker dessan gnir retrats be per occasiuns specialas, perche minch'absenza disturba l'andamaint da scoula – pel solar, pels conscolars sco eir pels magisters o las muossadras.

La dumonda pel joker ha da gnir inoltrada sur la pagina web o sur l'applicaziun dad "escola" almain 3 dis da lavur avant a la persuna d'instrucziun da classa cun motivaziun da l'absenza. Vain la dumonda cun retard, ston ils genituors motivar quai in scrit a la persuna d'instrucziun da classa.

Ils genituors güdan ad evitar cha'ls scolars piglian dis da joker be per tils "dovrar sü". Dis da joker nu pon gnir surportats sün ün nouv on da scoula.

Als seguints dis nu pon ils scolars retrar dis da joker: Prüm di da l'on da scoula, occurrenzas specialas da scoula (Nadal, Chalandamarz, dis da sport, viadis da scoula).

Art. 4 Congedi fin 15 dis

Dumondas da congedi fin 15 dis ston gnir inoltradas in scrit il plü bod pussibel o il plü tard 2 eivnas avant a la persuna d'instrucziun da classa per mans dal mainascoula.

Il solar infuorma a bocca a tuot las personas d'instrucziun da rom davart si'absenza, sajan quai absenzas da joker o da congedi.

Art. 5 Otras absenzas

Ils genituors ston annunzchar al magister da classa il plü svelt pussibel absenzas da scolaras o scolars our dals seguinents motivs:

- in cas da malatia e visitas pro'l docter o pro'l daintist
- curas o terapias chi ston gnir fattas d'ürant il temp da scoula our da motivs da sandà
- cas da malatias / d'accidaints greivs o da mortoris in famiglia

Absenzas da scolaras o scolars pels seguinents motivs vegnan trattadas tenor la tabella i'l artichel 2 da quist reglamaint:

- occurrenzas religiusas importantas
- partecipaziun activa ad occurrenzas da sport, da scienza e d'art
- ingaschamaints in plaiv d'onur
- sogiuorn a l'ester o in ün oter territori linguistic
- visitas pro posts da cussagliaziun o d'autoritats

Tuot las absenzas han da gnir inoltradas sur la pagina web o sur l'applicaziun dad "escola". La persuna d'instrucziun "dà liber" l'absenza. Quist'acziun es visibla pels genituors sül "account" da lur uffant(s) in "escola".

In cas da bleras absenzas poja dar cha quistas vegnan nomnadas i'l attestat in fuorma d'ün rapport d'imprender.

Art. 6 Dispensas

Decisiuns a reguard dispensas regularas o per singuls roms sun illa cumpetenza da l'uffizi chantunal da scoula e da sport.

Art. 7 Giarisunadis d'insaj

Congedis per giarisunadis d'insaj nu sun suottamiss a quist reglamaint. Il permiss in tal cas vain dat dal manader da scoula in consonanza culla persuna d'instrucziun da classa. Las formalitats sun regladas i'l formular "Il giarisunadi d'insaj". Tal formular as rechatta sülla pagina d'internet da la scoula.

Art. 8 Tour davo la materia manchanteda

Materia da scoula, lezchas e lavurs ston gnir tuttas davo in aigna respunsabilità e redschia o cun agüd dals genituors.

Manca ün scolar da la scoula sainza s-chüsa valabla (via "escola", per telefon o in scrit), pon gnir strichats dis da joker.

Art. 9 Maladöver

Tenor l'art. 96 da la ledscha da scoula chantunala pon genituors chi nun observan lur dovairs tenor l'art. 68 gnir chastiat cun üna multa fin fr. 5'000.-. La magistraglia es obliada d'annunzchar al/a la mainascoula absenzas na permissas.

Art. 10 Disposiziuns finalas

Relaschè dal cussagl da scoula als 18 november 2014, as basond sülla ledscha da scoula chantunala dal Chantun Grischun dals 21 marz 2012 e sün l'ordinaziun da scoula dals 25 settember 2012. Quist reglamaint es in vigur a partir da l'on da scoula 2014/15.